

# Kontuola

ANTZUOLA / Egubakoitza / 2001eko urriaren 26a / 88. zenbakia

KOORDINATZAILEA: Aintzane Irizar • Barrenkalea, 33 2570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

## Gaztetzokoari buruzko iritzia eskatuko diete herriko gaztetzoei

AINZANE IRIZAR

Gaztetzokoarekin zer gertatu den erabakitzeke dago. Martitzenean, gurasoendako batzarra egin zuten, Gaztetzokoa ixteko asmoaren berri emateko. Behin betiko erabakia hartu aurretik, gaztetzoei euren iritzia zein den galdeztzea erabaki zuten.

Aurtengoa Gaztetzokoaren bosgarren ikasturtea izango litzateke. Baina, esan bezala, oraindik ez dute erabaki aisialdiko txoko horrekin aurrera jarraitu edo ez.

Pausokako kideek, DBHko ikasleen gurasoek eta Udaleko ordezkariak Gaztetzokoaren jarraipen batzordea osatzen dute. Batzorde horren zeregina Gaztetzokoaren funtzionamendua

jarraitzea da. Asteburuetako aisialdi ekintzetara azkenaldian gero eta ume gutxiago joaten zirela eta joaten zirenak ere oso gustura ez zeudela ikusita, Gaztetzokoaren etorkizuna zalantzan jarri zuten jarraipen batzordeak.

### UMEEN IRITZIA JAKIN NAHI DUTE

Oraingo astean bertan, martitzenean, batzar informatiboa egin zuten batzordeak. Behin Gaztetzokoa ixteko erabakia hartuta, erabaki hori gurasoei jakinaraztea beharrezko ikusi, eta horretarako egin zuten batzar hori, gurasoak jakinaren gainean egon zitezten, hain zuzen ere. Batzar horretan behin betiko erabakia hartu aurretik, umeei euren iritzia zein den galdeztzeko proposamena egin zuten hainbat gurasok, eta proposamen hori onartu egin zuten.

Gauzak horrela, galdetegiak prestatuko dute eta ume guztiei bidaliko diete etxera. Herriko ume guztiei bidaliko diete, bai Gaztetzokoan ibilitakoei, baita ibili ez direnei ere. Erantzunak anonimoak izango dira, horrela, norberak nahi duen erantzuna eman dezan, lasai. Ekimen horren helburua izango da, behin umeen iritzia jakinda, aurrera jarraitzea merezi duen edo ez erabakitzea, eta jarraitzekotan, umeei zein erabaki aisialdi eskaintza nahi duten jakitea. Baliteke orain arteko eskaintzak umeen nahiak edo beharrak ez betetzea ere. Gauzak horrela, hemendik aste batzuetara hartuko dute behin betiko erabakia.



ARTXIBOA

Ekitaldi ugari egingo dute Gaztetzokoan; hemen, inauterietako argazkia.



### Futbolean, lagun berriak eginez

Urriaren 12an, lagun arteko partidua jokatu zuten Antzuola-ko eta Elgetako benjamin eta alebin mailako gaztetzoei. Lagun artekoa baino, lagunak egiteko partidua izan zen; izan ere, 10 eta 11 urteko neska-mutiko horiek Bergarara joan behar-ko dira ikastera laster, eta era honetako ekitaldiek elkar ezagutzeko balio izango dute. /AINZANE IRIZAR

### LABUR

### Perretxiko erakusketa egingo du Arrolak herriko plazan domeka goizean

Joan den domekarako, urriaren 21erako, aurrez ikusita zegoen erakusketa. Baina euri gutxi egin zuela-eta, atzeratzea erabaki zuten. Azkenean, domekan, urriaren 28an, egingo dute. Zapatuan joango dira erakusketarako perretxikoak batzera. Aurten, beritasun batekin datozkigu Arrolakoak: izan ere, domeka goizean umeei perretxikoak batzera joango dira inguruko basoetara.


Tomas Gezalaga

Apainketarako eta industriarako pinturak

Paper margotuak

Moketak eta tapizatuak

Kalegoi 21  
Tf. eta faxa 943 76 64 07  
Poltsikokoa 616 277 999  
ANTZUOLA / BERGARA



Zabalo Iturgintza S.L.

Bidea eginez

Tailerra: Uzarraga bidea, 10. Antzuola. Tf. 943 78 71 78  
Erakusketa: Kalebarren, 1. Antzuola. Tf. 943 78 71 79, Tf. eta F. 943 76 64 73

- Gasa
- Berogailuak
- Haie egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan DIBaren bidez
- Birgaitze-espeditentak bideratzen ditugu

Tomas Gezalaga

Zoruen kutxilatua eta barnizaketa

Kalegoi 21  
Tf. eta faxa 943 76 64 07  
Poltsikokoa 616 277 999  
ANTZUOLA / BERGARA



**BASERRIZBASERRI/ Iturriotz**



**TREN GELTOKI ALBOAN** Herrigunetik kilometro pasatxora dago Iturriotz, Uzarraga auzoan, garai baten tren geltokia izandakoaren alboan. Baserri honen lehen aipamena 1391koa da; Johan Sanches bizi zen bertan. 1956an sua hartu zuen baserriak. 1893ko uztailaren 14an ere albiste izan zen Iturriotz; tren istripu larria gertatu zen baserri alboan, tren geltokian. Zazpi pertsona hil, tartean Deustuko alkatea zena, eta 40 bat lagun zauritu ziren. "Unión Vascongada" eta "El fuerista" egunkariak istripu horren berri jaso zuten, eta baserriarrek zauritutakoek eskainitako laguntza goraiatu. Tartean, Iturriotz aipatzen zuten. Gaur egun etxebizitzetako bat hutsik dago, eta bestean, Jon Iñaki Yarza bizi da. /IÑIGO RAMIREZ DE OKARIZ

**ANTZUOLAKO HIZKERAN**

**ESAMOLDEA**

• **HANKA JOKUA**  
Mugimendu azkarra, presakako ibilera, abiada... *Hanka jokia, orpo jokia, orpo otza, porru otza eta porru jorria* ere erabilzen dira.  
*Ximon ikusi zebanian Juanitak eruan zeban hanka jokia!*

**ATSOTITZA**

• **Ate aiña maatilla.**  
1. Norbaitek edozertarako erantzuna duenean esan ohi da. Esandako zerbaiten kontra arrazo bat ematea, eta beste iritzi bat eman eta haren kontra ere bai, eta abar.  
2. Arazoak bazter guztietan daudela adierazteko.

**HITZAK**

• **DANBARRARA**  
Trumoiak jotzen duenean edo zerbait lurrera jausten denean ateratzen duen zarata handia. *Trumoe danbarrara bat izen da! / Ganbaran suabetxua bota izue artua holako danbarraraik eta-atzeke!*  
• **EGUNDOKO**  
Sekulako. Zaharrek asko erabiltzen dute hitz hau; gazteek gehiago erabiltzen dituzte *sekulako* eta *ikaragarri*. *Egundoko boketia egin otzan bentaniai.*

*Jone Larrañagaren 'Antzuolako hizkera' liburutik*

**TELEFONO JAKINGARRIAK**

**OSASUNA/LARRIALDIK**

DYA ..... 943 78 71 57  
Gurutze Gorria ..... 943 76 55 76  
Medikua ..... 943 76 62 23  
Praktikantea ..... 943 76 63 80  
Udaltzaingoa ..... 943 76 62 46  
Ertzaintza ..... 943 76 53 40

**UDALA**

Udaletxea ..... 943 76 62 46  
Kultura ..... 943 76 64 80  
Liburutegia ..... 943 76 60 65

**BESTELAKOAK**

Idolaz ..... 943 78 60 12  
Herri ikastetxea ..... 943 76 62 68  
Jubilatuak elkarrekin ..... 943 76 62 71  
Abadetxea ..... 943 76 64 16  
Anelkar (Kontxi) ..... 943 78 70 65  
Taxiak: Antonio Fernández ... 669 15 65 40  
Jesus M. Fernández ... 607 31 85 60

**MEZAK**

**ANTZUOLAKO PARROKIA**

Lanegun eta zapaletan: 19:30  
Domeka eta jaiegunetan: 09:00, 11:30

**UZARRAGAKO PARROKIA**

Domeka eta jaiegunetan: 10:00

**OHARRAK**

**KULKIREKIN JOLASEAN**

Bihar, zapatua, arratsaldeko 17:30etik aurrera jolaserako aukera ederra izango dute Antzuolako umeek. Kulki elkarrearen eskutik etorriko zaigu joalserako aukera hori. Euskal kultura eta kirola bultzatzeko elkarteak da; euren helburua da, jolasaren bitartez, umei euskal ohiturak ezagutaraztea. Oraingo honetan, artzainen bizimodu eta artzaintza bera ezagutzeko jolasak antolatuko dituzte.

**ARGAZKI LEHIAKETAKO ERAKUSKETA**

Urriaren 11n bukatu zen argazki lehiaketan aurkezteko epea, eta 14 lagunek parte hartu dute. Oraindik ez dituzte argazki irabazleak aukeratu. Baina, behin aukeratu dituztenean, lehiaketan parte hartu duten argazki guztiekin erakusketa antolatuko dute udaletzeko pleno aretoan. Azaro amaieran izango da, ziurrenik.

**ATREBENTZIAEZPADA/ Etxe asko dabitz egitten. Ze ekarriko jao horrek herrixai?**




**ESTHER CRESPO**  
52 urte

Jende asko etorriko da hona bizitzera, eta posible da horrek bizittasuna emotia herrixai. Umien dako parke bat egittia be komeniko litzake.



**LEONOR FRUTOS**  
75 urte

Oso ondo pentsatzen jat etxiak egittia. Jende asko bihar izen zan kanpora duela urte batzuk, eta denda batzuk itxi be egin bihar izan ziran.



**KARLOS AZKARATE-ASKASUA**  
32 urte

Kanpoko jende asko etorriko da, hemen merkia go darelako etxiak; asko lo egittera bakarrik etorriko dira hona. Hori, nere ustez, ez da txarra.



**ROSA RODRIGUEZ**  
30 urte

Etxiak egittia gauza ona izan biharko litzake, baina umerik ez badauke, hona lo egittera besterik ez dira etorriko, ez dabe hemen bizitzarik egingo.



**JOSE LUIS LEZETA**  
60 urte

Kalterik bapez, horrek beti mesede egitten jao herrixai. Gaiñera, etxiak egittia jendiak dirua daukan seiñalia izango dala uste dot.



*Juan Cruz*

**ARGAZKIAK**  
Ezkontza erreportaiak  
Jaunartze erreportaiak  
Momentuko argazkiak

**BITXITEGIA**  
Marrokineria  
Erlojuak, Bitxiak  
Opari gaiak

Herriko plaza. ☎ 943 78 70 66. ANTZUOLA



Buztinzuri 13 ANTZUOLA  
Tf. 943 78 70 32

*Itzar*  
**LIBURUDENDA ESTANKOA**

Kalebarren 1  
ANTZUOLA  
Tf. 943 76 60 62

**ANTZUOLA**  
Apainketak eta  
isolamenduak  
Pladurrezko dibisioak

Kalegoi 21 ANTZUOLA  
676 997 400  
Biltegia: 943 78 70 40